

Doenghnaz Seiqgeiq

□ Ya Yij Ya Yenz

Byavuengz daengj youq hamq baihnanz Dahbyaieng, liz bakmbanj baihbak Mbanjcuengh dou aiq miz leix baj roen. Bya mbouj suenq sang, hoeng, ndaej raemxdah yinhcumx, miz lingzsingq, liglaiz hekyouz cungj yawj dij. Lumjbaenz bouxgonq youq bangxciengz hekding veh dozveh “Muzlanz Guh Bing”, youq bangxdad bak congh Duzsuhienz gaek haujlai hot sei haenh gij gingjsaek gyaundeid doenghnaz. Congh Duzsuhienz youq buenqbyongh bya, it bi seiq geiq mbouj nit mbouj hwngq, liengzndei dangqmaz, hix mbouj miz nengznyaek caeuq duznyungz daeuj yoekyau. Gyoengqdou youq lajbya guhhong baeg le, cungj haengj hwnj bya bae naengh youq bak congh Duzsuhienz yietbaeg gangjgoj, swnhbienh ngonz-yawj gingjsaek doenghnaz.

Dangqnaj Duzsuhienz gek diuz Dahbyaieng couh dwg Doenghnaz Dahbyaieng.

Cinnduj, fwnmoenq foenfoen, mbaeu lumj faiqgung, bieq lumj fwjyungz, saeq lumj bwnvaiz. Bya-yamz, Byaieng, Byarungh, Byahau, Byabouj, doengh aen bya gaenh homh youq seiqhenz doenghnaz neix, caeuq gij mbanjranz, gij faexheu laj dinbya, ndaej fwnmoenq goemq ndaej mumj-

mumj gymqgyumq, yaep raen yaep mbouj raen. Roegenq mbin bae mbin dauq, roegbaqba riengz laeng vaiz byoek hwnj byoek roengz.

Laj dinbya, ngeihcib sigij hajcib nienzdaih, gyoengqvunz longz luiq, loh din. Daengz ngeihcib sigij caetcib nienzdaih, gyoengqvunz longz buhsuliu, daenj mauhdiemx. Seizneix, gyoengqvunz daenj buhdangfwn suliu, daenj haizraemx doengzsang, youq doenghnaz gyongz naz, mbup naz, oemq naz. Doenghbaez aeu vaiz cae rauq, seizneix yungh soujfuz dohlahgih; doenghbaez goemz hwet ndaem naz, seizneix iet hwet ndek gyaj, beuq bwnhviq. Sing hat vaiz, sing soujfuz dohlahgih, mwnq hwnj mwnq roengz. Baenz gaiq baenz gaiq nazraemx ndaej rauq ndaej lumj aen gingqbingz nei, baenz aen baenz aen “gingqbingz” ndaej gyaj ndek cang ndaej heuseuseu.

Sing fwen hix hap hwnj gwnz bya daeuj:

“Diegsien youq mwnqlawz?
Cawqcawq yienh dangqnaj;
Sawdikdik raemxdah,
Gwnz bya heusausau.

Doenghnaz gyaue raixcaix,
Faenh raeuz maij dangqmaz;
Diegsien youq doenghnaz,

Dwg fajfwngz raeuz cauh.”

Cingqcaen dwg fuk dozcingeng gyaedulengj he!

Seizhah, daengngoengz ronghsatsat, aenmbwn osoemsoem, doenghnaz mwnpcupcup, heusausau. Raq fwnnaemq doek sat, diuz saidoengz venj youq gyangmbwn, gyauej ndeu youq ndaw Dahbyaieng, gyauej ndeu youq dingj Byarungh.

Laj saidoengz, liengjndaem, liengjhoengz bi gvaz bi swix, gyaep-henj, gyaepbieg yaep yienh yaep duemh. Gyoengqvunz youq doenghnaz heusausau neix ndai naz, dwk bwnh, cawz non, mbaet vaeng.

Sing fwen hix cienz daeuj:

“Vanq bwnh youq gyangdoengh,
Saidoengz daeuj buenx raeuz;
Doenghnaz baenzlai gyaue,
Cungj dwg raeuz daeuj cauh.

Guhhong dangq yienjheiq,
Saedcej baenzlai ndei;

Gwnzmbwn saidoengz raez,
Lajdeih vunz vuen’angq.”

Gij cingzgingj neix dwg youq mwh ngeihcib sigij hajcib nienzdaih he. Roekcib nienzdaih, gaeng ndaem haeuxsuengcauh, caetcib nienzdaih yungh cazyanghgi ndaem naz. Dien-heiq hwngq, gyoengqvunz uet hanh lumj fwn. Eu fwen couh caeuq

gaxgonq mbouj doxdoengz lo:

“Cazyanghgi ndaem naz,
Sing rwenz gaga yienj;
Dienheiq lumj feiz iengj,
Guhhong riengj dangqmaz.”

Seizneix ndaem naz miz gisuz moq, mbouj caiq gungj hwet lo. Gij fwen couh yienghneix eu lo:

“Ndek gyaj youq gyangdoengh,
Saidoengz venj Byahau;
Cien bi gungj hwet gauz,
Seizneix dauq coih cingq.”

Doengh fuk doz seizhah guhhong neix cien bienq fanh bienq!

Seizcou, gwnzmbwn mboujmiz saek geu fwj, aenmbwn osoemsoem. Byacwx cingxgvekgek, Byagaenh heuswsgw. Laj dinbya, ranz bieq faex loeg. Doenghnaz henjcwctwt, gwnz lohgihgwngh vunz byaij ci ringx.

Youq bi 1987 gaxgonq, gyoengq-dou lijdwg dawz lienz goemzgingq gvej, yienznaeuz dienheiq liengz lai lo, hoeng gij dwgrengz sinhoj de caeuq goemzgingq ndaem naz doxdoengz. Hoeng, sim’angq raen haeux henj, it bi dwgrengz bonjfaenh seizneix ndaej demsou lo. Miz fwen eu naeuz:

“Gungj hwet daeuj gvej haeux,
Yienznaeuz dwgrengz lai;
Yawj haeuxcaux baenz baiz,
Sim’angq baij najbyak.”

(1)

Daengngoengz Baihdoeng Mbouj Rox Doek

——Cimh Riz Bak Bi Cungguk Gungcanjdangj

□ Cingh Swmungz / 清似蒙

Daihgya cungj mbouj cauz,
Nyi beix Mauz gangjgoj,
De lwnh raeuz saehmog,
Citcit goj yinxdaeuz.

Daihgya mbouj cap bak,
Dingq daeg ak vaeh naeuz,
Gangj gungzhoj gaenyouz,
Lwnh raeuz baenzlawz guh.

Rengx nanz bungz doek fwn,
Angq baiq mbwn baiq dei,
Beix Mauz gangj dwg leix,

Bouxbox geiq ndawhoz.

Aen ruz youq gwnz haij,
Vaij bae baengh lozbuenz,
Bouxhoj daeuj bouxguen,
Mbouj “lozbuenz” mbouj ndaej.

“Lozbuenz” dwg gijmaz,
Daihgya sim fwt sangj,
Couh dwg Gungcanjdangj,
Ndaej gangj daengz guh daengz.

Coenzcoenz dwg caenleix,

Gangj ndaej doengh sim vunz,
Boux hoj daenj hoj gwn,
Dingq le sim aengfwg.

7. Gwnzmbwn Fwt Fan Rumz

Feizndoi raih haeuj ndoeng,
Dawz hoengzhoengz hwdhwd,
Miz vunz sim ndatfwd,
Lwed ndang gwduyau.

Causanh dangjihbu,
Sikhaek guh ndaej baenz,
Mbouj dwg laeb guhcaemz,

Cingqcaen vih minzcungq.

Daiqlingx gyoengq vunzlai,
Buek dai dingj atcaq,
Ciengj bingrwix aeu cax,
Gaj hakdoj bouxvang.

Nauh ndaej hoenghhubhub,
Moeb ndaej luenhfoenfoen,
Hakdoj gag saethoenz,
Ra gyauejroen deuz ndoj.

(7)